

Maladi Kabrit Yo

Gen plizye bagay k'ap fe yon kabrit vin malad. Pi gwo bagay w ka fe le w gade kabrit yo se pou anpeche maladi yo rive. Le w byen okipe kabrit w sa se pi bon fason w ka anpeche maladi yo rive. Bay yo dlo pwop, ki fre epi ase mange pou vant yo ka plenn. Yo ka bwe 6 a 8 lit dlo (oubyen 1 galon) pandan yon jou. Si y'ap tete yo ka bezwen plis! Pou mange li pa selman zèb yo remen mange. Yo pi remen mange fe yo tankou doliv, bwa kabrit, bwa kodin, delin, bwadom pase zèb. Li emportan pou yo jwenn yon mélange de kalite mange y'ap mange a.

Parazit Yo – Nou gen yon gwo pwoblem nan Ayiti avèk parazit yo. Parazit yo se tankou volè, yo pran nan mange k'ap nouri kabrit yo epi anpeche yo byen develope. Li telman empotan pou kontrole yo. Nou ka fe sa avek medikama epi jan nou gade yo. Li bon pou bay yo vermifuge le yo bezwen li. (gen plizye kalite, epi li bon pou servi avek youn diferan chak fwa ou bay). Li bon pou gen yon ajan veterine vin bay medikama pou assure kabrit yo jwenn kanite epi kalite medikama yo bezwen. Si w pa bay youn bon doz w'ap gaspere kòb w. Lòt bagay k'ap ede anpeche parazit enfekte kabrit yo se pou mare yo nan yon kotè diferan chak jou. Si yo dormi nan yon pak, li bon pou pwopte li souvan(sa pou di ramase twalet la chak semen epi mete'l sou kote pak la. W'ap gen yon bon fimye pou jardin ou aprè youn ti tan).

Chabon – Chabon se yon maladi k'ap atake vit epi w pa konnen sak pase ak bèt w. Li pa atake tout bèt yo tout tan. Se yon mikwòb k'ap rete na tè a. Nou wè li pi souvan apre gen yon inordasyon oubyen yon tan de sechrech. Pa gen anpil sin pou montre nou kabrit yo malad. Yo byen jodi epi demen maten yo mouri. Si w wè yon sin pi souvan w'ap wè san k'ap kole nan ne, bouch, zorey, oubyen deyè a. Ki sa ap empotan pou konnen chabon se yon maladi moun ka pran tou ! Le w koche bèt la w'ap pran gwo risk pou pran maladi. Li ka rive bay w màk sou figi w oubyen li ka antre nan pulmon yo epi touye w. Li difisil pou pa van vyan nan men pi bon bagay w ka fe se pou boule bèt ki te mouri a. Nipòt moun k'ap touche vyan ki infekte ap pran risk pou gen maladi chabon. Gen yon bon nouvel – bèt yo pa bezwen pran maladi chabon menm ! Si chak anne w vaksene bèt (bèf, kabrit, mouton) kont chabon w pa bezwen enkete ditou nan maladi sa a. Depi w tandé gen maladi chabon nan zon pa w, kouri jwenn yon vaksen men sonje petet li pap mache byen epi bèt w ka toujou pran pandan maladi ap pase. Pa nwi ajan veterine pou yon 10 goude le w'ap pwotje yon invesman de konbyen dolar yo. Si yon moun pran maladi a yo bezwen kouri al we dokte pou pran medikama pou yo ka geri.

Klamidiya – Klamidiya se yon mikwòb k'ap fe anpil fom de maladi nan kabrit yo. Sa nou wè pi souvan se je blanch. Klamidiya se yon mikwòb k'ap rete nan trip kabrit yo epi pa fe anyen, sa pou di li pa fe kabrit malad, men kabrit sa a ap toujou mete mikwòb yo a tè le yo twalèt epit lòt kabrit ka vin infekte ak maladi a. Li atake e fe kabrit yo malad le yo strese. Pou eksanmp le w al nan mache epi achte epi de twa jou apre w vini nan kay la w we kabrit la vin malad. Li ka gen je k'ap kole dlo, li ka touse, men li pa gen gwo larim. Apre kèk jou w'ap we je li vin blanch. Si w rele yon veterine w ka geri li toutswit, men si w tan twa lon avan w bay medikama

kabrit ap aveg nèt. Lòt fòm maladi klamidiya ap fe se kabrit gwo plenn (nan denye mwa) fe avòtman oubyen ptit yo ka fèt men yo fèb oubyen yo pa vivan. Yo ka fèt tou mouri. Kèk fwa li ka pran ni piti oubyen gwo yo epi fe jenu yo vin gwo epi cho. Nou gen bon nouvèl anko – nou ka geri maladi klamidiya avek medikama.

Medikama k'ap geri maladi sa se oxytetracycline. Li pi byen pou gen yon veterine bay piki yo pou assure bèt la ap resivwa kantite medikama li bezwen. Si w gen yon kabrit ki gen je blanch, pa kite'l rete ak lòt kabrit yo. Kenbe'l apa jis li geri. Li bon pou bay kabrit yo ki pre sak ki malad yon piki medikama tou, menm si yo pa montre w sin yo malad li ka ede anpeche yo gen maladi a. Li bon tou pou mete pomade oubyen gout tetrasklin nan je ki afekte. **Yon lòt bagay ki empòtan se pou sonje si gen fanm assent yo pa bezwen travay ak kabrit ki gen malady klamidiya paske li ka enfekte fanm yo tou epi yo ka fe avòtman.**



Bouch fe mal (Pyan)

Le w gen jenn oubyen novo kabrit kek fwa w jwen yon maladi k'ap rive bo kote bouch la. Se yon virus k'ap fe maling ak kras yo kole nan kwen bouch la. Kek fwa w'ap we nan tete manman oubyen nan zorey yo. Li se youn maladi k'ap geri pou kont li nan environ youn mwa. Pwoble k'ap rive se li ka anpeche kabrit yo mange oubyen tete epi yo ka vin feb oubyen menm mouri. Pa vreman gen tremann pou maladi sa. Nou bay antibiotik pou anpeche yon lòt infeksyon pran kabrit la. Li enpòtan pou kenbe'l pwop epi eseye fe kabrit la mange. Sa se youn maladi moun ka pran tou. Li bon pandan w'ap pwopte oubyen bay mange pou mete gan pou w pa pran maladi tou. Li telman contagis, sa pou di li kabrit ki gen maladi pral bay nipot lot kabrit li bo kote maladi a tou.

